

Díaz-Canel pledas por loka agado en la konstru-solvoj.



Havano, 29 okt (RHK) En la 168 kubaj distriktoj kreskis la nombro da mini-industrioj kiuj produktas konstrumaterialojn kun la celo proksimigi la lokajn konsilantarojn al la konstrusolvoj por loĝejoj.

Tiel estis informite en kontrolkunsido pri la Nacia Programo de Loĝejoj, kiun gvidis la kuba prezidento Miguel Díaz-Canel, kie oni ratifis ke la loka produktado de materialoj estas la ŝefa akso de la konstrumovado kiun oni devas akceli okaze de la damaĝoj ekzistantaj en la loĝejoj de la lando.

La prezidento precizigis ke minimume ĉiu distrikto devas produkti tage la elementojn bezonatajn por konstrui unu loĝejon, kio estas la sola maniero rapidigi la nunan konstru-ritmon kaj atingi la ciferon de 50 mil loĝejoj jare.

Pri la subvencio al familioj, la prezidento esprimis ke la lokaj registaroj devas pli atenti la programon, tial ke laŭ estis informite, ekzistas la materialoj, sed oni devas direkti ilin al la subvenciatoj; li ankaŭ pledis por trarompi la burokrataĵojn pri tiu ĉi tikla afero.



Radio Habana Cuba